



Close to Home



Faailoga faapitoa a le afioga mo Malcolm



O Karla Beazley mai le Kāinga Ora Community Team ma lē na mauaina le faailoga o Malcolm Rundle o ia foi o se tasi o loo nofo i fale a le Kainga Ora.

Ua filifilia e sui o le afioga o Mount Roskill ma le vaega a le Kāinga Ora Community Team ia Malcolm Rundle mo le Puketāpapa Community Volunteer Award mo ana galuega uma i le tausaga e tele ua mavae.

O se vaega o la latou filifiliga mo lenei faailoga, ua faapea mai le Community Team e lagolago e Malcolm mea fai a le Kāinga Ora ma faatasiga eseese i Mount Roskill ma le lotomalie e fesoasoani i soo se mea ma mea uma. “E lē fesiligia,




e tatau lava ona iai Malcolm i o i le taimi e te mana’omia ai o ia, leai ma se fesiligia o lena mea.”

Sa malilie le Puketāpapa Local Board, Puketāpapa Youth Foundation ma le Team Community ina ia aloa’ia le taua’oaina o lenei faailoga iā Malcolm i se aso fiafia a le afioga i le tausaga nei. Ae mo le taimi nei, o loo tautau ma le mitamita le faailoga a Malcolm i le potu faitetele a le afioga i le fale a le Kāinga Ora o loo nofo ai.

Sa matou fesiligia Malcolm poo le ā le tāua o lenei faailoga iā te ia. “Sa matuā faate’ia lava a’u ina ua maua lenei faailoga. Ou te fiafia lava e fesoasoani i tagata i soo se auala ou te mafai ai ma le tele ou te mafai ai, ae e tauā pea lenei faailoga iā te a’u,” faapea mai ai Malcolm. Malo lava, Malcolm. Matou te tulimata’ia le samiina faatasi ma oe o lou ausia o lenei faailoga i se taimi lata mai.

la faamafanafana, matūtū ma maloloina lelei lou fale i lenei vaitau mālūlū

O le mātūtū a o le ea ole faigofie ma taugofie foi lea ona faamafanafana ma e fesoasoania i le taofiofia ai le tupu o le pologā. E matou te iloa e faaalu e aiga le tele o le taimi i totonu o a latou fale i le vaitau o le mālūlū o lea e tāua ai le faamafanafana o potumoe ma isi potu e tele le taimi e faaalu ai ina ia soifua maloloina pea ma maua le fiafia a'o faaaogā nei vaega o le fale i masina o le mālūlū.







Taofi le ea susū i fafo

- Faamātū faamalama e ala i le solo ese o le susū i se solo tuai i le taeao pe a mana'omia.
- Faamamago lavalava i fafo i le tele e mafai ai.
- Faaaogā le ālāasu i luga o le ogāumu pe a fai sau kuka.
- la faaaogā le ili o le fale tā'ele pe a faamālū pe tā'ele ma ia faaola ai pea le ili seiloga ua mātū le fā'ata ma puipui.

la faamafanafana lou fale

- Faaaogā ea faamafanafana pe a mālūlū ma ki fua o le ea mafanafana i le 18–20°C ina ia faaauau pea ona soifua maloloina ma sefe ai tupe.
- la talai i tua 'ie faamalama a o faagasolo le aso e faaaogā ai le mafanafana lea e maua fua mai le lā.
- Faaola le tou ea faamafanafana pe a amata ona goto ifo le lā ina ia faatumauina pea le mafanafana.



Faasavili



- Tatala faamalama pe faalua i aso uma (mo le 10 minute) ina ia faaalu i fafo le ea susū, e oo lava foi i le vaitau mālūlū.
- la puipuia pea moega ma faamalū mai le ea susū e ala i le faamamao teisi mai i le puipui o le fale ina ia lava se avanoa e sao atu ai le ea.
- la aveese faamalū mai le fola ina ia sao atu le ea e faamātū ai i aso ta'itasi (pe a mafai) ae maise lava pe afai o loo momoe nisi i le potu malolo.

la taofiofi le mafanafana i totonu!

- Tapunipuni 'ie faamalama i le afiafi a o goto ifo le la ina ia faatumauina pea le mafanafana i totonu o le fale.
- Vili mai matou pe a e lagonaina se savili mālūlū o loo alu atu mai i faamalama, faitoto'a i fafo poo le puipui.

Na e silafia e 1 mai le 4 fale e mū, e amata mai lava i le umukuka?

O mea faigofie e mafai ona e faia e taofia ai le sasao o se mū i totonu o lou umukuka:



la mamā ma saogalemu lau umukuka i taimi uma

- Faamamā luga o lau ogaumu i taimi uma e mae'a ai ona faaaogā - ina ia lē faaputupu ai ga'o mai meaai e masaasaa solo ma meaai e mū.
- Ia fufulu e lē aunoa faamamā o le ālāasu.



Pe a fai sau kuka

- Aua le inuina le 'ava malosi a o fai se meaai i le falai.
- Aua ne'i e alu ese mai le umukuka pe afai o fai sau kuka - a lē o lena, ki faavaivai i lalo le aasa o matāafi o le ogaumu.
- Ia manatua e faamamao ese mai le mea o loo fai ai sau kuka, 'ie faamalama, solo fafano, totigilima e uu ai mea vevela ma isi lava mea e faigofie ona mumū.

Pe a amata ona tupu se mū

- Afai ua sasao i luga le afi mai lau falai, ma afai e mafai ona e faia ma le saogalemu, ia tapuni le falai ma tapē loa le ki o le ogaumu lea e pipii i le puipui. Afai e lē o fetai le tapuni, e mafai ona e faaaogā se solofafano susū, poo se mea mafolafola telē (e pei o se laupapa e tipi ai meaai) e faataatia i luga o le falai e taofi ai le toe sao atu o le 'ea okesene i le afi. Tuu ai pea iinā se'iloga ua maalili le falai.
- Aua lava ne'i asuina ni vai i le falai a o sasao a'e ai le afi.
- Aua, aua lava ne'i e taumafai e ave i fafo se falai a o sasao a'e ai le afi.
- Afai ua sasao a'e le afi i lau ogaumu, tapuni mau le faitotoa o le ogaumu, ma taumafai e tapē le paoa poo le kesi i le ki o loo i le ogaumu poo le ki autū i le pusa.



fesili mo le Fire.

MEA E FAI PE A TUPU SE MŪ



Totolo i lalo ma ia faavave ese mai le asu. **'Faapa'ū i lalo, Totolo i lalo, Vave i fafo'.**



Tapuni faitoto'a i ou tua, ina ia aua ne'i vave le sosolo o le afi.



Feiloai i le nofoaga ua fuafua e fetai uma i ai.



A oo loa i fafo, faatali ai i fafo – aua ne'i e toe alu i totonu.



Vili le Auaunaga a le Fuiṃū i le 111 mai se nofoaga o loo saogalemu.

Tagai i le [fireandemergency.nz](https://www.fireandemergency.nz) mo nisi manatu faaopoopo mo le saogalemu mai se mū.